

圓悟佛果禪師語錄卷第三

漢六

宋平江府虎丘山門人紹隆等編

住建康府蔣山師在潭州道林受請拈勸黃
示衆云龍蟠鳳翥鐵畫銀鈎出自九重從天
降下大衆瞻仰請爲敷宣拈香祝聖云大衆
見麼祖佛同根本人天共讚揚結成寶蓋祥
雲共祝南山聖壽奉爲今上皇帝萬歲萬萬
歲伏願道超盤古德冠羲軒位永固於金輪
壽彌堅於劫石遂陞座云大衆時平道泰天
清地寧一人高拱無爲萬物各得其所普天

率土無不承恩航海梯山均蒙陶鑄直得塵
塵刹刹利物物頭頭放大寶光開正法眼運般
若力復太古風知恩報恩一句作麼生道萬
靈莫測無爲化處處全開五葉華

道林參衆上堂云十虛同一漚寧分彼此大

漢六

千同一塵豈有去來若能各人明見本心顯
發妙用通天作略動靜一如市地風光彼此
無二住也浮雲凝於幽谷去也虛舟泛於長
江去住本自圓成解脫更無異路如是則全
起全滅全動全靜全去全來全收全放且出

門一句作麼生道頭頭物物皆成現正眼當
陽廊太虛復云三年承乏幸參陪道業荒虛
愧不材赴詔直從天外去何時相與復徘徊
入院至方丈云達磨面壁維摩默然有條攀
條豈可形言雖然如是脫體宏開不二門凡

要解黏兼去縛

陞座云道不虛行如風偃草緣不虛應似鏡
臨形若能於心無心於已無已於彼無彼於
我無我蕩蕩廊周沙界皆非外物縱歷盡乾
坤際悉在目前法隨法行法幢隨處建立理

亦如是事亦如是況寶公道場梁時示化舒
王福地聖世重興宏開選佛場宣唱大般若
於其中間且作麼生是於心無心於已無已
坐斷要津不通凡聖底一句三山半落青天
外二水中分白鷺洲

蕉六

結夏上堂云一塵含法界無邊子細點檢猶
有空缺處在百億毛頭師子百億毛頭一時
現著實論量未是極則之談若論本分事大
人具大見大智得大用設使盡無邊香水海
越不可說不可說世界都盧是自己安居處

舉一念超越無邊刹海猶未是衲僧行履處

不犯鋒鎛不拘得失不落二見不在中間正

當恁麼時如何山中九十日雲外幾千年

上堂云法無二相道豈多途彼此絕功勲古

今不變易有依倚底碧落青霄無依倚底銀

山鐵壁設使神通妙用百而不重爭如息見
忘機家堂穩坐且不涉二途一句作麼生道
他家自有通宵路罷却干戈百草頭

五月初二日開堂於知府手中接得疏呈示
大眾云字字演無量義句句如優曇華佛祖

鉗鎌人天標榜當陽拈出文彩已彰錦上鋪
華請重宣過

指法座云高高無外深深無際更不作禮須
彌燈步步階梯全體是且道是箇什麼看看
拈香云大眾還見麼熏五分法身結五雲瑞

洪六

三

彩爇向爐中奉爲祝嚴今上皇帝聖壽萬歲
萬歲萬歲伏願道齊堯舜德冠羲軒南山
壽逾億萬年北極尊亘河沙劫第二辦香奉
爲判府尚書日譜衙勲貴伏願膺一人簡在副
四海具瞻爲周邵甫申作臯夔益禹第三辦

香云昔年白雲堆裏最初一句截流今日人天衆前箇是四回拈出奉爲蘄州五祖山第十二代演禪師爇向爐中以酬法乳之恩乃攝衣敷座天禧和尚白槌云法筵龍象衆當觀第一義師云一槌便成光輝溢目要津把斷誰是唱酬還有能觀第一義底出來相見師乃云曠劫來事只在如今威音那邊全歸掌握頭頭物物成現明明了了無差獨用宏機全提祖印設使奮逸群作略施竭世樞機未免節外生枝水中捉月所以諸佛出世罕

遇作家祖師西來承虛接響向上一路千聖不傳學者勞形如猿捉影到這裏不拘格式不躡前蹤不昧當機如何舉唱明眼漢沒窠臼本分事絕羅籠幸遇帝道平平皇風蕩蕩祝嚴聖壽爲國開堂台旆光臨皇華作證師祝嚴聖壽爲國開堂台旆光臨皇華作證師山頂上寶公塔前八字打開分明顯示去遂拈起拄杖云還見麼諸佛構不著祖師提不起千日並照萬鏡臨臺不隔纖毫當陽薦取且不涉諸緣一句作麼生道八方霖霖無爲化萬國訶謠樂太平

上堂云不滅不生亘古亘今圓融無際應用
無差佛祖由茲圓成人天因其發現至於千
聖萬聖出來移易一絲毫不得要識文殊普

賢釋迦彌勒觀音勢至盡在這裏不起纖毫

凡聖情念不拘得失是非境界直下全真更

非他物且薦嚴一句作麼生道還委悉麼彌
陀非外得徧界是西方

上堂云一切無收攝觸處圓成應用絕參差

莫窮形相向千聖頂額上有時露出祖佛莫
窮底機關於一毫端中有時演出主賓互換

底文彩經天緯地玉轉珠回即且置舉拂子
作點勢云這一點落在什麼處海神知貴不
知價留與人間光照夜

上堂云至真非內大千非外表裏一如舍鰻
法界月印寒潭珠沉滄海樹彫葉落無在不
在萬法本通同從來無向背要是箇中人始
終無變改且作麼生是無變改雪後始知松
柏操事難方見丈夫心

上堂云格外真乘當陽正眼騎聲蓋色離見
絕聞非三賢十聖所知非神通變化所測撥

開向上一竅威音已前把斷封疆直饒達磨

西來也無措手足處到這裏更說心說境說得說失得麼掀知有什麼交涉若是利根漢一刀截斷不落第二見不落第二機直下便承當豈不省要乃至若行若住若坐若卧一

香一華一瞻一禮無不皆從自己流出無不

洪六五
皆從本有道場中來以此坐斷報化佛頭不妨隨時著衣喫飯三世諸佛只言自知祖師西來全提不起一大藏教詮註不及且道到這裏作麼生說預作津梁底道理還委悉麼

片雲點太清已落第二見

報寧民和尚受帖上堂云一向孤峯獨宿目視雲霄雖則不埋沒宗風無乃太高生一向十字路口土面灰頭利物應機雖則埋沒自己無乃太屈辱生況明悟之士頂門具眼肘

下有符出沒卷舒得大自在動若行雲止猶谷神可以或孤峯獨宿不礙土面灰頭或土面灰頭不礙孤峯獨宿恁麼中有不恁麼恁麼中却有恁麼且應時應節一句作麼生道良久云瑞氣逢嘉運靈苗觸處春

受季善友爲僧上堂云三界無安四生拘促
欲脫愛網超步大方正應披忍辱鎧操智慧
刀運上品心發殊勝志與蘊魔煩惱魔死魔
共戰滅三毒破魔網始是大丈夫漢豈不見
教中道三界無安猶如火宅衆苦充滿甚可

怖畏又道是舍唯有一門而復狹小雖然狹
小過去諸佛現在諸佛未來諸佛盡從箇裏
出去且道必竟如何良久云何似生遼天鵠
萬里雲只一突

上堂云千聖不同轍正體獨露萬象無所覆

妙用常真法隨法行無處不徧心隨心用無
處不周若能上絕攀仰下絕已躬放出人人
常光目前各各獨露便可以於一座中現寶
王剎坐毛端裏轉大法輪以無轉而轉即一
切皆轉以無身現身一切處無不是身亘古
亘今凝然寂照所以道唯一堅密身一切塵
中現雖居塵中而塵中收他不得雖居四相
第六
而四相羅籠不住雖一切處覓其纖毫形相
了不可得然而要用便用要行使亦不於一
塵中覓塵亦不尋其纖毫形相謂之無生

法忍且只如截斷兩頭一句作麼生道死生
同一際萬化悉皆如

解夏上堂云毫端寶刹寬闊優游十世隣虛
古今渺邈洞視不見徹聽不聞到這裏非止
善財七日斂念設使文殊百劫運大智力起
無邊神用亦不能覲見只如諸人九十日間
各各於中全體遊歷出沒卷舒縱橫收放八
穴七穿東涌西沒儻忽於此知得諦當去不
妨步步踏著實地心心契證平常苟或未然
今日布袋口闢還委悉麼良久云勿謂清秋

多勝致低回且復按雲頭

八月一日上堂云撥正三界窠窟放出無位
真人透過荆棘叢林便居常寂光土非如非
異耀古騰今非色非心超宗越格淨躰絕
承當赤灑灑沒回互只如今在諸人頂門貫
通一切若能續六各各返照內觀即坐自己家堂
所以祖師道有一物上拄天下拄地常在動
用中動用中收不得謂之本源佛性顯成知
解宗徒更云說似一物即不中亦不免涉三
寸路直得不墮常情不拘格式諸人若能於

此定當得更不在指東劃西若定當不得不免重重指注去也不見道有物先天地無形本寂寥能為萬象主不逐四時形既不逐四時形又能為萬象主且當陽截斷路頭如何趣向還委悉麼八月秋何處熟復云抖擻自

精神構取目家底如斬一綵絲不分前後際力刃既雙行一斬截一切倘能効刃上承當一口吸盡西江水開爐上堂云乾茆近火理合先燒滴水水生事不相涉倘或透生死明寒暑融動靜一去來直得意遣情忘如癡

似兀然後乃可飢則喫飯健則經行熱則乘涼寒則向火雖然如是趙州道我在南方三十年有箇無賓主句直至如今無人舉得且無賓主話火爐頭如何舉得還委悉麼衲被幪頭萬事休此時山僧都不會

褒山珪禪師為佛眼和尚設齋請上堂云還有助哀者麼僧問明鏡當臺舉無遺照只如佛眼和尚遷化向什麼處去師云妙喜世界藏不得蓮華影裏現全身進云和尚只道得一牛師云爾全道底又作麼生進云煩惱海

中爲雨露無明山上作雲雷師云天地懸隔
進云誰人知此意令我憶南泉師云且莫詐
明頭問臨濟滅却正法眼三聖直下便承當
第六盤山會裏要傳真普化當時翻筋斗未審此
意如何師云跳出金剛圈吞過栗棘蓬進云
萬里神光頂後相只明這一段時節去也師
云方木逗圓孔進云學人是直截根源師云
一任躊躇師乃云此方緣盡他方顯化此界
身歿他界出現大善知識以無邊虛空爲正
體以香水海不可說塵刹爲化境以日月爲

明燭以形骸爲逆旅以死生爲晝夜其來也
電光晃耀其去也石火星飛雖示世人有去
有來極其本體不動不變所以南泉和尚昔
爲馬大師作齋問大衆云今日爲先師設齋
且道先師來麼有底道合取鉢盂有者道真
堂前更添一分食蓋明此箇不動不變至靈
至妙各有奇特處要且只見錐頭利不見鑿
頭方今日褒山珪公長老爲佛眼和尚設齋
敢問大衆佛眼和尚還來麼有道得底試出
來道看若無不消一箇普同供養何故簷頭

水滴滴相承五葉華葉葉相付且道綿綿不斷一句作麼生道祖月凌空圓勝智何山松柏不青青

檀越請陞座僧問祖師門下水泄不通明眼人前固難啓口未審和尚如何爲人師云無孔鐵鎌當面擲進云劔閣路雖險夜行人更多師云捉敗這漢進云收得安南又憂塞北師云腦後添一隻問聲前一句非聖不傳未曾親近如隔大千如何是聲前一句師云咈嚙舌頭進云如大火聚近之燎却面門又如

何親近師云只得瞻之仰之進云爭柰推倒嘉州大像倒騎陝府鐵牛師云孟八郎漢師乃云心不是佛心與佛俱非智不是道智與道俱遭到這裏金屑雖貴落眼成翳珍食雖美難中飽人若是向上人須知向上事若於向上提持去也威音已前空劫那畔不恁麼至於毗婆尸佛娑竭陀國不恁麼靈山拈華迦葉微笑亦不恁麼少林面壁神光斷臂亦不恁麼何故若使恁麼彼此相鈍置既不恁麼又且如何舉唱所以道諸佛不出世四十

九年說祖師不西來少林有妙訣若人識祖
佛當處便超越上根利智千里同風一刀兩
段聊聞舉著徹骨徹髓剔起便行隨處作主
遇緣即宗草偃風行全機獨露正當恁麼時
不依倚一物一句作麼生道萬象之中長獨
露千峯頂上現全身

僧復披剃謝恩罷陞座云天中之天聖中之
聖處域中之大超方外之尊執寶籙以臨民
覆金輪而御極廓清六合停毒萬方聿降綸
言重興佛法遂使普天釋子復換僧儀歸本

笏於裴相公納冠簪於傅大士重圓應真頂
相再披屈駒田衣俄頃之間追還舊觀皇恩
崇重倍萬丘山草木之微云何圖報輒傾肝
膽少出毫芒大眾先佛有頂顛一機如擊石
火似閃電光祖師有末後一句吞稟棘蓬跳
金剛圈可以敵聖驚群可以轉凡成聖騰今
現古蓋色騎聲如今對衆拈來不犯從前路
洪鈞
布還委悉麼洪鈞妙力先天地覆載恩歸大
聖人

上堂僧問選佛場開上根圓證不昧當機如

何指示師云一超直入如來地進云龐居士道不昧本來人請師高著眼馬大師因什麼直下觀師云頂門上有進云居士道一種沒絃琴唯師彈得妙馬大師直上觀未審意旨如何師云暗裏能抽骨進云直上觀底是直下觀底是師云莫謗馬大師進云爭柰龍袖拂開全體現象王行處絕孤蹤師云有龐居士證明師乃云真妄窠窟生死根株論其汗漫則千差掬其趣向則一致起唯法起滅唯法滅起滅全真了無二致所以道三界唯心

萬法唯識離心之外無別識境楊岐又道群靈一源假名爲佛體竭形消而不變金流朴散而常存如此則亘古亘今不生不滅羅籠不住呼喚不回古聖不安排至今無處所且始終不變一句作麼生道還委悉麼不從千

達六
聖中傳得透出威音更那邊

楊安撫請上堂僧問白雲生滿座瑞氣擁禪堂少室真消息當機願舉楊師云一舉千差同一照進云一音清迅生潮舌萬類聊聞道眼開師云風行草偃進云只如蘊定乾坤謀

略有蓋世英雄具殺人刀秉活人劍還有佛法道理也無師云有進云如何是佛法道理師云直是天下無敵師乃云十虛融攝正眼洞明八表昇平圓機獨運萬象不能藏覆千聖無以擬倫明明絕承當歷歷無回互見成是箇大解脫門有超宗越格底眼具離見絕情底機出沒於中往復同用直得拈起也天回地轉應須拱手歸降放下也草偃風行必合全身遠害可以集衆福可以滅諸殃可以報君親可以安邦國全明一道神光不落見

聞知覺正當恁麼時收因結果一回作麼生道萬里江河歸有道凱歌齊唱賀郎回劉宣教請上堂僧問劍輪頂上飛大寶光虎眼峯前豁開宗要既是向上人須明向上事如何是向上事師云坐却舌頭進云此猶是向下事師云果然轉不得進云直得蓋天蓋地底來和尚向甚處出頭師云且向千里外立進云爭柰覲面相呈毫髮無間師云已遭點額也師乃云生平唯以此相知促搃論心到極微轉眼奄然今五載人間空只想形儀

祖佛知見生死根源萬世不移易一絲毫千

聖莫能窮趣向其生也電光石火舉必全真
其滅也玉轉珠回通身無影所以道群靈一
源假名爲佛體竭形消而不滅金流朴散而
常存於一現一切而普該於一切現一而無

法身

刹不徧同古同今契物契我正體一如非主

非滅所以道生滅去來本如來藏妙真如性
夫如是則生未嘗生滅未嘗滅去未嘗去來
未嘗來都盧是箇如來藏體真如正性敢問
提舉中奉即今在什麼處還委悉麼無生無

住著處處是全身

上堂僧問單拈獨弄只貴眼辨手親正按傍
提須是作家手段棒喝交馳則且置頂門一
句事如何師云倒行此令進云蔣山門下不
爲分外師云分身兩處看進云學人更向上
行時如何師云且只向下問進云任大也須
從地起更高爭柰有天何師云過師乃云目
擊塵塵刹刹同居華藏海中頂門密密堂臺
渾是無生法忍拈一莖草現丈六身吹一布
毛傳正法眼離無鄴有絕聖絕凡八字打開

分明顯示了也若悉得去遂舉拂子云東方妙喜世界不離箇裏西方極樂世界亦不離箇裏上方兜率世界亦不離箇裏如是則一處通千處百處一時通一處圓千處百處一時圓且不離本有一句作麼生道閻浮樹下親修處九品蓮中妙果圓

開聖節上堂云頂天履地共荷皇恩含齒戴
髮均承帝力神霄降慶真主示生傾萬國丹
心祝一人聖壽當陽有路萬派朝宗一句無
私輒輸肝膽還委悉麼大明齊北極聖壽等

南山

散聖節上堂云神霄真人降駕長生帝君御
極神靈開旦夷夏欽風萬瑞咸臻千靈擁祐
布羲軒無私之政追盤媧太古之風萬國赤
子歌謡八表昆蟲鼓舞福流千界慶集一人
林下禪人如何圖報共持清淨無爲化仰祝
吾皇億萬春

寶公生日上堂云悲智種中圓證四生海裏
橫身圓如明月珠快似金剛劍一向恁麼去
千人萬人乃至無窮億人羅籠他不住及至

恁麼來千人萬人乃至無窮億人盡承他麻
磨賑濟四生舒卷九有或現十二面或現百
億身鷹爪中露受生機屈膝處示涅槃相此
猶是應機接物隨方逐圓時節若論本分提
持坐斷異同不通凡聖直得釋迦彌勒飲氣

吞聲文殊普賢亡鋒結舌且利物應機一句
作麼生道杖頭湧出金剛劍四生九有示津
梁

上堂云壁立千仞處攢華簇錦平田淺草裏
劍戟縱橫欲提持向上那邊事直下無啓口

處始欲捲而懷之又乃文彩已彰正當恁麼
時如何要識他家全意氣三千里外絕諸訛
上堂云薩怛阿竭二千年前費分疎摩醯首
羅一眼頂門先漏逗有轉_漢識機宣到這裏
如虎戴角骨碌雖守窯曰於箇中似龜負圖
漢六
直須自悟自修切忌依他作解所以道有一
句子堪與祖佛爲師有一句子堪與人天爲
師有一句子自救不了只如截斷衆流不落
三句又且如何還委悉麼言下未開千聖眼
鋒前已泄法王機

錢運使請上堂僧問北山天下呼禪窟大冶
洪爐烹祖佛玲瓏八面有誰知一句當機露
風骨忽遇其中人來時如何師云倚著一邊
去進云恁麼則五鳳樓前聽玉漏須彌頂上
擊金鐘師云足下雲生進云低低處平之有
餘高高處觀之不足師云曾襟流出一句作
麼生道進云覲面相逢更無回互師云朝議
與爾作證師乃云祖佛頂額上單提本分宗
乘萬機不到處宣布正法眼藏明明絕回互
歷歷無邊表一句坐斷千差一言朝宗萬派

是佛非佛向上向下權實照用卷舒捨縱一
時拈却直得淨裸裸赤灑灑人人常光現前
處處壁立萬仞所以道一切法不生一切法
不滅若能如是解諸佛常現前不唯諸佛現
前乃至一切有情無情盡無邊香水海過現
未來湛然凝寂不變不異交光相羅如寶絲
漢六十五
網諸人還見麼須知此一段事有如是奇特
相有如是解脫力敢問大眾且過往八孺人
承箇什麼功力還委悉麼國土動搖迎勢至
寶華彌滿送觀音

三月望日上堂云華殘雨過已度韶光風暖
雲凝將臨夏景不逐四時凋變隨例七八五
分更或削跡吞聲未免牽藤引蔓百草頭上
則且置脚下泥深一句作麼生道春日晴黃
鶯鳴

結夏上堂云築著礪著立卓縱橫或纖或洪
徧界十身調御不踐青草豈冒紅塵且放下
一句作麼生道拗折拄杖子高掛舊瓶盂復
云塵塵刹刹自家風不在瞻嘗聽覩中旣爾
結將布袋口直須牢把主人公

中現大大中現小坐微塵裏轉大法輪猶未
是衲僧本分事於中若得桶底子脫五色線
斷目前無法心外無機則圓融一切無有所
爲成就諸法全體顯現且正當恁麼時不落
功勲一句作麼生道三尺龍泉光照膽萬人

叢裏李高標

峽州東山馳法嗣書到上堂云靈山會上千葉騰芳少室峯前一枝獨秀生佛未具已見蟠根空劫那邊轉彰文彩渾崙孽不破撲鼻更馨香八面自玲瓏通身轉綿密箭鋒相拄

漢六

針芥相投則且置獨脫一句作麼生道候爾

風雲會廓然天地春復云坐見東山拔古風頂門眼正有全功操持臨濟金剛劖倒儻楊岐栗棘蓬鐵壁銀山須作用魔宮虎穴亦流通攝將香水無邊刹併入鉛鎔爐鞴中

千家

住東京天寧寺宣和六年四月十九日於當寺爲國開堂師拈疏云現成公案未言時文彩已彰洞徹根源才舉處重重漏泄儻或尚留觀聽却請對衆敷揚

八月旦上堂云秋光清淺明明不退轉群木蕭踈一一解脫道不出陰界可以徧歷浮幢王不立纖塵可以具足金剛智何況園裏菜青田中禾熟豈非歲稔時和心融境寂且不離向背一句作麼生道星河秋一鴈砧杵夜

指法座云柔和忍辱衣諸法空爲座既披此
衣必據此座況佛佛祖祖藉此爲梯爲航見
麼有條攀條無條攀例遂陞座拈香云此一
辨香恭爲奉上皇帝祝嚴聖壽萬歲萬歲
伏願聖明逾日月睿算等乾坤空芥城而有
漢六
餘拂劫石而彌同次云此一辨香奉爲中宮
天眷宰執諸王少師相公節使太尉闔朝文
武在筵勳貴伏願高扶聖日永佐堯明壽算
等松椿福祿齊江海拈第三辨香云大衆還
見麼昔日白雲堆裏當風一句全提今朝萬

壽堂首次第五回拈出奉爲蘄州五祖山真
惠禪院第十二代演禪師爇向爐中以酬法
乳智海和尚白槌云法筵龍象衆嘗觀第一
義云明明無覆藏一一絕滲漏初無第一第
二豈復言觀到這裏草偃風行渠成水到還
有共相證明底麼僧問時雍道泰樂升平萬
里山河舜日明妙唱以資天子壽爐煙爲瑞
國風清未審和尚如何舉唱師云萬壽堂前
增瑞氣一人有慶等乾坤僧云師將萬古靈
山事祝讚當今有道君師云傾盡此時心僧

云如是則金枝永茂天庭秀玉葉長芳內苑
春師云誰人不仰此時風僧云祝聖已蒙師
指示向上宗乘事若何師云七十三八十四
僧云德基永固金剛界萬國來朝賀聖明師
云風前一句超調御僧云須知此道真機妙
應用隨方得卷舒師云更須抖擻眼中塵師
乃云問話且止大眾祕密妙嚴深機莫能考
究淨圓超證諸聖無以擬倫靈山單傳正音
少室密付的旨洞明如意日寬曠若虛空把
斷諸法無遺蔭覆群靈有作頂門上如如不

動腳跟下了了常知今朝幸遇祝聖開堂對
衆分明剖露遂拈拄杖卓一下云大衆還知
落處麼諸佛心髓祖師淵源十成八字打開
徧界全彰勝相纖洪長短黑白方圓一一絕
羅籠處處無回互澄澄湛湛密密堂堂無深
卷六
可深無妙可妙是故佛佛授手唯授此心祖
祖相傳唯傳此妙上根種智略請回光可以
千眼頓閑可以萬緣透脫豈不見阿難問迦
葉世尊傳金闢外更傳何物迦葉召阿難阿
難應喏迦葉云倒却門前刹竿著三要印關

十方通透直得王舍城裏萬壽堂前瑞氣凝
九重祥光朝鳳闕一一發輝正法眼藏傳持
涅槃妙心了也且當陽不昧一句作麼生道

太平瑞氣無邊表航海梯山仰聖朝以此開
臺一毫善利上祝今上皇帝聖壽伏願金輪
永固寶祚殊昌四海樂文明萬邦陶至化復
舉昔有僧問投子如何是一大事因緣投子
云尹司空與老僧開堂師云投子古佛叢林
中推其得逸群之辯得朴實頭道用看其等
闊拈掇不妨世法佛法打成一片雖然如是

惜其不甚寬廓今日忽有人問天寧如何是
一大事因緣即對他道手握金輪清四海聖
躬彌億萬斯年

師在蔣山受勑拈示衆云大眾見麼龍飛鳳
舞降自九重佛祖綱宗盡在裏許却請維那

對衆宣讀

陞座僧問承師有言龍飛鳳舞降自九重此
意如何師云無人不仰最深恩進云好音在
耳人皆聳去也師云水到渠成是一家進云
直得樵夫舞袖野老謳歌去也師云誰不恁

麼進云莊野春林與天華而合彩師云一枝
別是太和春進云爭柰雲本無心自有從龍
之勢師云却得閻黎出氣進云只如寶公還
肯放和尚去也無師云放來久矣進云從教
猿鶴怨且副一人心師云是處是彌勒無門
無善財師乃云寒巖枯木白雲堆散質何能
中巨林豈爲虛聲徹清禁紫微聖詔九天來
既然事出意外要須直下承當所貴正眼流
通仰祝無疆睿筭直得昆蟲草木悉仰動地
風光大地生靈咸霑唐虞睿澤處處和風徧

野人人喜氣盈眸感覆燾無疆之恩荷一人
生成之德正當恁麼時還委悉麼碧桃舟舟
凝朝露紅杏蒙蒙映彩霞

入院詣方丈坐云摩竭陀國三七日內口呀
呀毗耶城中八萬人衆眼睭睭雖然一期拈
掇未免犯手傷鋒爭似這箇八面玲瓏四方
洞達上頰一人麻痺傍贊聖化無窮一句截
流萬機寢削還委悉麼識取鈞頭意莫認定
盤星

指法座云三萬二千師子座爭及比箇曲录

木坐斷報化佛不涉聞見知揭起驚嶺高風

仰祝南山睿算還見麼看取令行時

上堂拈香此一瓣香祝嚴今上皇帝聖壽無

疆萬歲萬歲萬歲師乃云入門便見更不

容擬議尋思開口便說亦不復周由者也假

便善財入彌勒樓閣尚資歛念普眼入普賢

妙境亦借威神只如今直得八穴七穿四通

五達一處透千處萬處通明一光明千光萬

光普照且到家一句作麼生道風前有路超

調御鼓腹謳歌樂太平復有頌云本是山中

人無能唯守拙豈謂有虛名遠達丹鳳闕降
勅住天寧竹輿星夜發今朝親到來一句無
言說別別金色頭陀曾漏泄

圓悟佛果禪師語錄卷第三

音釋

霖霖霖莫白切霖音才練結切

也咷咷霑周徧露濡也綵練結也

之刃切請訛請訛五戈切詬詬音辨也此云大賑

貌貌也參參所禁切呀呀虛加張

永樂北藏

圓悟佛果禪師語錄

第一五五册